

*Calida,
quantumuis
acria, intrò
quoq; acci-
pi possunt.*

*An faculta-
tes cætera
ita incref-
cant, vt pe-
riculosum
reddant re-
medium.*

hibita eiusdem violentiæ censenda? Ranunculus & Allium esui sunt apta, quæ tamen extimam corporis superficiem in vesicam tollunt. Et quis nescit cantharidum usum introrsum quoque antiquitus familiarem extitisse, nullo timore illius stigmatis, quod foris inurit. Est ergo diuersitas patientis subiecti animaduertenda. Quæ sunt validiora, maiorem sentiunt interaneorum repugnantiam, ob innati caloris robur. Hoc cum exteriùs minus se proferat, magis grassatur remedium. Vt ita haud maior metus validioris medicamenti ab eiusdem prouido usu nos auocare oporteat. Facultates quidem augentur: non tamen omnes: quandoquidem excessum malignarum artifici præparatione iminuimus, sed quas par est. Et licet forerent auctiores, non tamen maiori adhiberentur periculo, quàm cætera solent communi more parata remedia. Quæ enim Chymicorum minor est quantitas scrupuli vnus, ea cæterorum tripla est, drachmæ vnus, sed & duarum quandoque & plurium. Iam si drachma vna vel plures vacant periculo, longè veriùs